



Broj: 11-19-11-2-2317/24

Datum: 03.09.2024. godine

Na osnovu člana 43. i člana 45. stav 2. i stav 3. Zakona o unutrašnjim poslovima Federacije Bosne i Hercegovina („Službene novine Federacije BiH“ broj: 81/14), člana 70. Zakona o javnim nabavkama BiH („Službeni glasnik BiH“ broj: 39/14, 59/22 i 50/24) i preporuke Komisije za provođenje konkurentskih i pregovaračkih postupaka nabavki u 2024. godini, v.d. direktor, d o n o s i :

O D L U K U

o izboru najpovoljnijeg ponuđača za Javnu nabavku softvera

I

Prihvata se prijedlog Komisije za provođenje konkurentskih i pregovaračkih postupaka nabavke, u postupku Javne nabavke softvera, te se ugovor dodjeljuje ponuđaču „Logosoft“ d.o.o. Sarajevo čija cijena ponude iznosi **1.691,00 KM bez PDV-a**.

II

Po okončanju roka za žalbu Ugovorni organ će pozvati izabranog ponuđača radi zaključivanja Ugovora.

III

Za izvršenje Odluke zadužuje se Sektor za finansije i javne nabavke.

IV

Ova Odluka objaviće se na internet stranici Federalne uprave policije istovremeno s upućivanjem iste ponuđačima koji su učestvovali u postupku nabavke, u skladu sa članom 70. stav (6) Zakona o javnim nabavkama.

V

Odluka stupa na snagu danom donošenja.

O B R A Z L O Ž E N J E

Federalna uprava policije je provela konkurentski postupak Javne nabavke softvera, broj Obavještenja o javnoj nabavci: 1412-7-1-228-3-99/24 od 19.07.2024. godine. Javna nabavka je provedena putem konkurentskog zahtjeva za dostavu ponuda.

Procjenjena ukupna vrijednost ugovora iznosi 2.100,00 KM bez PDV-a. Postupak je provela Komisija za provođenje konkurentskih i pregovaračkih postupaka nabavki u 2024. godini, broj Rješenja o imenovanju 09-19/1-30-2-15 od 04.01.2024. godine.

U postupku je utvrđeno da je Komisija u svemu pravilno postupila, te da je preporuka o izboru najpovoljnijeg ponuđača data u skladu sa Zakonom o javnim nabavkama i tenderskom dokumentacijom.

Također, na osnovu Zapisnika o pregledu i ocjeni ponuda utvrđeno je da je Komisija blagovremeno i pravilno izvršila otvaranje ponuda i ocjenu kvalifikovanosti ponuđača, a o čemu je sačinila odgovarajuće zapisnike, u kojima je utvrđeno sljedeće:

- da su zaprimljene četiri (4) ponude koje su ujedno i blagovremene, i to ponuđača: "NEXIS" d.o.o. Sarajevo; "DIGITARIJA" d.o.o. Sarajevo; "FIXIT" d.o.o. Sarajevo; "LOGOSOFT" d.o.o. Sarajevo.
- da nije bilo neblagovremeno zaprimljenih ponuda,
- Komisija je uvidom u dostavljene dokumente utvrdila da je ponuda ponuđača „NEXIS“ d.o.o. Sarajevo nepravilna i kao takva za ugovorni organ neprihvatljiva iz razloga što isti nisu u skladu sa tačkom 1.12. Tenderske dokumentacije dostavili **Izjavu** kojom se precizira garancija za isporučenu robu, a što je bilo obavezno dostaviti uz ponudu.
- Komisija je uputila dopis Sektoru finansije i javne nabavke Federalne uprave policije u cilju provođenja e-aukcije, obzirom da je tenderskom dokumentacijom predviđeno održavanje e-aukcije.
- Sektor za finansije i javne nabavke je svojm aktom, broj: 11-19-11-2-2317/24 od 26.08.2024. godine dostavio Komisiji Izvještaj o toku i završetku e-aukcije od 26.08.2024. godine. U Izvještaju je navedeno da je najpovoljniji ponuđač u predmetnom postupku javne nabavke softvera „Logosoft“ d.o.o. Sarajevo čija cijena ponude iznosi **1.691,00 KM bez PDV-a**.
- Komisija je u skladu sa kriterijumom za dodjelu ugovora u konkretnom postupku nabavke – najniža cijena dala preporuku o izboru najpovoljnijeg ponuđača „**Logosoft“ d.o.o. Sarajevo**, te je Ugovornom organu predložila da se predmetni postupak javne nabavke zaključi u skladu sa članom 69. stav 1. tačka a) Zakona o javnim nabavkama BiH.

Iz navedenih razloga, a primjenom člana 69. stav (1) tačka a) Zakona o javnim nabavkama, odlučeno je kao u dispozitivu ove Odluke.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo u roku od 5 (pet) dana od dana prijema ove Odluke.

V.D. DIREKTOR⁹
(Načelnik SKP-a)
GLAVNI INSPEKTOR

Vahidin Munjić

Dostaviti:

- Sektor za mat. fin. poslove
- ponuđačima
- u spis

